

Chief Executive biographies – Māori

Margie Apa

Tumu Whakarae, Hauora Aotearoa mō tēnei wā

Ko Fepulea’I Margie Apa te Tumu Whakarae o Hauora Manukau i tēnei wā.

Kua 20 tau te roa o tā Margie mahi i roto i ngā tūranga whakahaere i te rāngai tūmatanui o Te Whanganui a Tara me Tāmaki. Tae ana tēnei ki ngā tūranga i te Manatū Hauora (Kaiwhakahaere Tuarua o te Manatū Hauora), Te Poari Hauora ā-Rohe ki Manukau, Te Poari Hauora ā-Rohe ki Pōneke me Kapiti, Te Rōpū Kaupapa Here o te Māketē Mahi (Te Tari Mahi) me te Te Tahua Hauora. I tīmata tā Margie takahi i te aramahi i Te Komihana o ngā Tari Kāwanatanga.

I a ia i te tūranga Tumu Whakarae o te Poari Hauora ā-Rohe ki Manukau, i arataki ia i te whakahaere i te wā o ngā raru ki tai, tae atu ana ki te urutā mītara, ki te pahūnga o Whakaari, ā, ko ia te Tumu Whakarae matua i tā te rohe o Te Taitokerau urupare i te horapatanga o te KŌWHEORI-19.

Kua riro i a Margie tētahi paetahi pakihi i Te Whare Wānanga o Tāmaki Makaurau me tētahi paerua (whakahaere) mō te whakahaere ratonga tūmatanui i Te Herenga Waka.

He toihau tūao a Margie Apa mā World Vision New Zealand.

He whakamānawatanga te tapanga Fepulea’I (he tapanga rangatira) i whakawhiwhia e te pā o tana whānau, e Sale’aula, Savai’I, i Hāmoa.



Riana Manuel

Tumu Whakarae, Te Mana Hauora Māori mō tēnei wā

Ko Riana Manuel taku ingoa
Ko Moehau kei waho
Ko Te Aroha ki uta
Ko Hauraki te whenua
Ko Tikapa te moana
No Te Awaawa o Manaia toku ūkaipo
Ko Ngāti Pukenga, ko Ngāti Maru, me Ngāti Kahungunu ōku iwi
Ko Mataatua, ko Tainui, me Takitimu ōku waka



He kōtiro ahau nō te pā, ā, i te roanga o taku takahi i taku aramahi, kua whai kia pai ake ngā putanga ki ngā Māori o Aotearoa.

He tamāhine nā ngā mātua pai katoa, ā, he hoa rangatira ahau nō taku tāne, he māmā nō aku tamariki ātaahua, he kuia (ko taku tino tūranga tēnei), he tuahine, he whaea kēkē hoki ahau nō te marea.

Ko tāku mahi ake, ko te nēhi, ā, kua manawa reka ki te mahi i aku mahi puta noa i ngā wāhanga rerekē o te rāngai, me te whakatipu i ngā hononga i roto i tērā.

E tino ngākau titikaha ana ahau ki te whakapiki ake i ngā putanga hauora e puta ana ki aku tāngata, ā, e whakapono ana ahau i roto i tērā ka puta he hua pai ki te hauora o Aotearoa whānui.

Mā te kahukura, ka rere te manu.